

სახელმწიფო შესყიდვის შესახებ ხელშეკრულების პროექტი

ქ. თბილისი

2020 წელი

ერთის მხრივ, შპს “საქაერონავიგაცია” (შემდგომში, შემსყიდველი) წარმოდგენილი გენერალური დირექტორის გოჩა მეზვრიშვილის სახით და მეორეს მხრივ, _____ (შემდგომში, მიმწოდებელი) წარმოდგენილი _____ სახით, ელექტრონული ტენდერის ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 2. ხელშეკრულების ობიექტი

- 2.1. ხელშეკრულების ობიექტია: სანავიგაციო რადიოტექნიკური და შუქტექნიკური საშუალებების საფრენოსნო შემოწმების, აგრეთვე სახელსაწყო ფრენების პროცედურების ვალიდაციის მომსახურების შესყიდვა.
- 2.2. საფრენოსნო შემოწმების მომსახურება მიმწოდებლის მიერ უნდა განხორციელდეს შემსყიდველის ტექნიკური დავალების (დანართი №1), პრეტენდენტის მიერ წარმოდგენილი სატენდერო წინადადების (დანართი №2) და წინამდებარე ხელშეკრულებით განსაზღვრული პირობების შესაბამისად.
- 2.3. დანართები №1 და №2 წარმოადგენენ ხელშეკრულების განუყოფელ ნაწილს.
- 2.4. შესყიდვის ობიექტის კლასიფიკატორის კოდი: 71630000
- 2.5. შემსყიდველის რესურსის მოთხოვნის განაცხადი:

მუხლი 3. მომსახურების გაწევის ვადა და მიღება-ჩაბარების წესი

- 3.1. მიმწოდებელმა მომსახურების (მისი ეტაპის) გაწევა უნდა განახორციელოს შემსყიდველის მოთხოვნის შესაბამისად, ტექნიკური დავალებით (დანართი №1) განსაზღვრულ ვადებში.
- 3.2. მიმწოდებელმა მომსახურების გაწევა უნდა დაიწкос შემსყიდველის მიერ ოფიციალური მოთხოვნის წაყენებიდან არაუგვიანეს 10 კალენდარული დღისა.
- 3.3. გაწეული მომსახურების მიღება-ჩაბარება განხორციელდება ორივე მხარის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე. მომსახურება (მისი ეტაპი) ჩაითვლება დასრულებულად შესაბამისი მიღება-ჩაბარების აქტის ხელმოწერის შემდეგ.

მუხლი 4. ხელშეკრულების ჯამური ღირებულება და ანგარიშსწორების წესი

- 4.1. ხელშეკრულების ჯამური ღირებულება შეადგენს _____.
- 4.2. ხელშეკრულების ჯამური ღირებულების გადახდის ფორმაა _____ ვალუტაში უნაღდო ანგარიშსწორება.
- 4.4. ანგარიშსწორება მიმწოდებელთან განხორციელდება ეტაპობრივად, მომსახურების ეტაპის დასრულების შემდგომ, ფაქტიურად გაწეული მომსახურების (საათების

მიხედვით) შესაბამისად. ანგარიშსწორება განხორციელდება შემდეგი დოკუმენტების შემსყიდველისათვის წარდგენიდან 10 კალენდარული დღის ვადაში: ორივე მხარის უფლებამოსილი წარმომადგენლის მიერ ხელმოწერილი მიღება-ჩაბარების აქტი და ორიგინალი ინვოისი გადასახდელ თანხაზე.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

5.1.1. ხელშეკრულებით გათვალისწინებული მომსახურება დაიწყოს შემსყიდველის მიერ ოფიციალური შეტყობინეს მიღებიდან არაუგვიანეს 10 კალენდარული დღის ვადაში.

5.1.2. მომსახურების გასწიოს წინამდებარე ხელშეკრულებით განსაზღვრული პირობების და ICAO-ს რეკომენდაციების შესაბამისად.

5.1.3. საჰაერო ხომალდის საწვავით გამართვა უზრუნველყოს საკუთარი ხარჯით.

5.1.4. სახელშეკრულებო ვალდებულებები შეასრულოს პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.

5.2. მიმწოდებელი უფლებამოსილია:

5.2.1. მოითხოვოს გაწეული მომსახურების ანაზღაურება წინამდებარე ხელშეკრულებით განსაზღვრული პირობების შესაბამისად.

5.2.2. მოითხოვოს ხელშეკრულების პირობების დაცვა.

5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

5.3. შემსყიდველი ვალდებულია:

5.3.1. გადაუხადოს მიმწოდებელს გაწეული მომსახურების შესაბამისი ღირებულება ხელშეკრულებით განსაზღვრული პირობების შესაბამისად.

5.4. შემსყიდველი უფლებამოსილია:

5.4.1. არ მიიღოს გაწეული მომსახურება, თუ იგი არ შეესაბამება ICAO-ს რეკომენდაციების და ხელშეკრულებით (მისი დანართებით) განსაზღვრულ მოთხოვნებს.

5.4.2. განახორციელოს კონტროლი და ზედამხედველობა ხელშეკრულების პირობების შესრულებაზე რისთვისაც გამოყოფს სპეციალურად უფლებამოსილ პირს: დაზუსტდება ხელშეკრულების გაფორმებისას

5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

5.4.4. მოითხოვოს ხელშეკრულების პირობების დაცვა.

მუხლი 6. მხარეთა პასუხისმგებლობა

6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 0.1%-ის ოდენობით ყოველი გადაგადაცილებული დღისთვის, მაგრამ არაუმეტეს ხელშეკრულების ჯამური ღირებულების 20%-ის ოდენობით.

6.2. ხელშეკრულების ღირებულების გადახდის ვადის გადაცილების შემთხვევაში შემსყიდველს დაეკისრება პირგასამტეხლო ხელშეკრულების ჯამური ღირებულების 0.1%-ის ოდენობით ყოველ გადაგადაცილებულ დღისთვის, მაგრამ არაუმეტეს ხელშეკრულების ჯამური ღირებულების 20%-ის ოდენობით.

მუხლი 7. ფორს-მაჟორი

7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

7.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაუღებელი და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 8. ხელშეკრულების შეწყვეტა

8.1. მხარე უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:

8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მომსახურების გაწევა.

8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

8.1.3. თუ შემსყიდველისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.

8.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

8.3. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განხორციელების თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

მუხლი 9. ხელშეკრულებაში ცვლილებებისა და დამატებების განხორციელების წესი

9.1. ხელშეკრულების ნებისმიერი ცვლილება ან დამატება უნდა განხორციელდეს წერილობითი ფორმით.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით ან ელექტრონული ფორმით შეატყობინოს მეორე მხარეს შესაბამისი ინფორმაცია.

9.3. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობების შემსყიდველისათვის. ხელშეკრულების პირობების შეცვლა დასაშვებია საქართველოს სამოქალაქო კოდექსის 398-ე მუხლით განსაზღვრულ შემთხვევებში. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. ხელშეკრულების შესრულების გარანტია

10.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი იქნება საბანკო კომპანიის მიერ გაცემული გარანტია ხელშეკრულების საერთო ღირებულების . . . %-ის ოდენობით.

10.2. გარანტია მიმწოდებელს დაუბრუნდება ხელშეკრულებით ნაკისრი ვალდებულებების სრულად შესრულების შემდეგ.

10.3. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრულად შესრულების გამო.

მუხლი 11. დავების გადაწყვეტა

11.1. მხარეები ვალდებული არიან მოაგვარონ ყველა უთანხმოება მოლაპარაკების გზით, ხოლო ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 12. ხელშეკრულების მოქმედების ვადა

12.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს მდე.

მუხლი 13. დასკვნითი დებულებები

13.1 ხელშეკრულება შედგენილია ინგლისურ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

მუხლი 14. მხარეთა რეკვიზიტები

შემსყიდველის სახელით:

მიმწოდებლის სახელით:

(უფლებამოსილი პირის სახელი, გვარი,

(უფლებამოსილი პირის სახელი, გვარი,

ხელმოწერა და თანამდებობა)

ხელმოწერა და თანამდებობა)

საბანკო რეკვიზიტები:

საბანკო რეკვიზიტები: